



■張馳豪騎龍飛翔係威係勢。

「聲夢」歌手張馳豪(Aska)新歌MV邀得前港姐亞軍陳楨怡(Celina)任女主角，最特別之處，除了九成內容以AI製作，兩位主角於整個拍攝過程更未有同場，僅於綠布幕前靠想像力演戲，非常創新。

無綫破天荒近乎全AI製作MV  
**張馳豪陳楨怡**  
靠幻想咁嘴

■陳楨怡化身公主，散發陣陣仙氣。

■兩人情深一吻，原來不是同場拍攝。

張馳豪為無綫外購新劇《大奉打更人》唱主題曲《劇本殺》，MV請來陳楨怡任女主角。為帶給觀眾新鮮感，MV破天荒九成內容以AI製作，兩位主角先在圖書館相遇，之後齊齊穿越到遊戲世界，Aska化身勇士上天下海兼打怪獸，拯救「仙氣公主」Celina，最後二人齊齊乘坐巨龍穿越時空，返回現實世界。

據製作MV的品牌傳播科透露，兩位主角需在綠布幕前靠想像力，擺出各種動作，然後再收集二人眼、耳、口、鼻、面形、表情等數據用作後期製作。不少網民讚無綫是次新嘗試很創新：「MV製作用AI生成的造型新嘗試效果幾好，既配合劇情又有動漫新鮮感」、「Aska同陳楨怡個Kiss幾可亂真」、「好想睇Aska真人打一次，或者用呢個造型出嚟亮相」、「佢唔到有個咁正嘅MV」、「TVB真係一大進步。」

拍到靈魂出竅

Aska受訪時表示：「大概拍咗4至6個鐘，要從8個唔同嘅角度拍Reference硬照，要做好多唔同嘅表情同埋動作，例如拎劍、或者跌落水等，好考想像力，對演戲都有幫助。」首次拍MV的Celina大呼刺激：「出嚟效果好逼真同夢幻，覺得好不可思議。」她笑言最不可思議是整個拍攝過程，都沒與Aska同場，最後一幕深情咀吻全靠想像演戲，她笑言：「嗰幕我要一路對住個Mon，然後要靠想像去就番個角度，拍嗰陣成隊Crew都有笑，因為我有時唔覺意挨得太近，拍出嚟嘅效果就變到好似靈魂出竅。」

# 伍仲衡撐東東做評審稱職



■伍仲衡忙於為洪心怡宣傳新歌。

伍仲衡、敖嘉年與盧信宥等昨日出席連鎖冰室新店開幕活動，伍仲衡表示出席活動後，即趕往澳門拍電視台節目，現時忙於為旗下歌手洪心怡宣傳首支新歌《你是我的煩惱海》，花了6位數拍MV。已沒做《中年好聲音3》評審的他，日前在社交平台為嘉賓評審陳曉東講好說話，但惹來網民批評，伍仲衡說：「我出帖唔係因為東東係我好朋友，而係佢言之有物，又識搞氣氛，為節目增添娛樂性，我唔明點解要鬧佢，做評審真係唔易㗎！」並透露下月將為東東擔任佛山演唱會的監製。

曾參加《全民造星V》的盧信宥表示知道節目新一季已公開招募，正考慮是否再參加。敖嘉年被問想參加《造星》還是《中年》？他笑言要參加「更年好聲音」。



■敖嘉年(左)睇好盧信宥前途無限。

## 鄧凱文四眼 Look 散發韻味

「東張女神」鄧凱文樣子甜美及身材驕人，經常在社交平台派福利，故甫出道已吸納不少男粉絲。前日她在社交平台又分享靚相，見她穿抹胸上衣、灰色熱褲和外套，一身清涼打扮凸顯好身材，再加上她佩戴幼框眼鏡，更添韻味，粉絲紛紛留言讚女神「超靚」、「好迷人」。她接受傳媒訪問時透露近日開始重拾做運動的習慣，因之前忙於工作，沒有太多時間Keep身形，她笑言：「最近學緊打網球同揸車，因為差唔多要考車牌，希望可以一Take Pass。」



■鄧凱文是公認的「宅男神」。

## Nowhere Boys 扮郵差發放正能量

樂隊 Nowhere Boys 近日推出新歌《給失敗者的一封信》，他們化身郵差叔叔拍MV，更玩急口令「郵差叔叔送信純熟迅速送出」，考起「番書仔」鼓手Nate，惟有講英語版反擊。主音Van說：「雖然新歌係『給失敗者』，但訊息係正面、鼓勵。喺某一個範疇唔成功，有可能因為唔適合，可以試吓其他地方。只要一曰仲有生命，都唔應該謝幕，可以試新嘢！」他稱經常收到樂迷的親筆信：「舊年演唱會完咗，我哋收到好多粉絲嘅信，寫嘅說話都好Warm、好鼓勵。」



■Nowhere Boys經常收到粉絲寫的鼓勵信。